

四庫全書

集部

欽定四庫全書

玉臺新詠考異卷八

姚安府知府紀容舒撰

蕭子顯樂府二首

大明上苔苔陽城射凌霄光照窻中婦絕世同阿嬌明

鏡盤龍刻簪羽鳳凰雕逶迤梁家髻

逶迤疑作倭墮後漢書梁冀妻孫壽

作墮馬髻古今注倭墮髻墮馬之遺制也

冉弱楚宮腰輕紈雜重錦薄縠間

飛綃三六前年暮四五今年朝蠶園拾芳繭

藝文類聚樂府詩集

並作蠶籠拾芳翠誤蠶  
應稱箔不應稱籠也

桑陌采桑條出入東城里上下

洛西橋忽逢車馬客飛蓋動檐輶單衣鼠毛織寶劍羊  
頭銷丈夫疲應對御者輟銜鑣柱間徒脉脉垣上幾翹  
翹女本西家宿君自上宮要漢馬三萬疋夫婿仕嫖姚  
擎囊虎頭綬左珥鳧盧貂橫吹龍鍾管奏鼓象牙簫十  
五張內侍十八賈登朝皆笑顏郎老盡訝董公超

日出東南隅行

邯鄲顰輟舞

邯鄲藝文類聚作章丹案太平御覽五百  
六十八引夏仲御別傳曰女巫巫章丹陳珠

二人妍姿冶媚清已姬請罷絃佳人淇洧上

上藝文類聚作出

歌妙舞狀若飛仙

艷趙復傾燕繁穠既為李照水亦成蓮朝沽成都酒暝

數河間錢餘光幸未借

此句未詳借藝文類聚作惜亦未詳

蘭膏徒自煎

### 代樂府美女篇

#### 王筠和吳主簿六首

日照鴛鴦殿萍生雁鷺池遊塵隨影入弱柳帶風垂青

骹逐黃口

骹馮氏校本作鶻案西京賦青骹擊於鞬下注青骹鷹青脰者馮氏蓋未考而誤改之

獨鶴慘羈鳴同衾遠遊說結愛久生離於今方溘死寧

須萱草枝

菴施心未發  
靡蕪葉欲齊  
春蠶方曳緒  
新燕正銜泥  
野雉呼雌雉  
庭禽挾子棲  
從君客梁後  
方晝掩春閨  
山川隔道里  
芳草徒萋萋

春月二首

九重依夜管

此句未詳

四壁慘無輝  
招搖顧西落  
烏鵲向東

飛流螢漸收  
火絡緯欲催  
機爾時思錦  
字持製行人  
衣所望丹心  
達嘉客儻能  
歸

露華初泥泥桂枝行棟棟殺氣下重軒輕陰滿四屋別  
寵增修夜遠征悲獨宿愁紫翠羽眉淚滿橫波目長門  
絕往來

長門字  
疑誤

含情空杼軸

### 秋夜二首

落日照紅妝挾瑟當窻牖寧復歌薜蘿惟聞嘆楊柳結  
好在同心離別由衆口徒設露葵羹誰酌蘭英酒會日  
杳無期薜華安得久

相思不安席聊至狹邪東愁眉做戚里高髻學城中雙

眉偏照日

吳氏注曰眉當作楣竊疑當作扉古詩涕下沾雙扉

獨蕊好紫風自陳

心所想獻賦甘泉宮傳聞方鼎食詎意春閨中

遊望二首

劉孝綽遙見鄰舟主人投一物衆姬爭之有客請

余為詠

河流既浼浼河鳥復關關落花浮浦出飛雉度洲還

宋

刻作州悞今從藝文類聚

此日倡家女

此藝文類聚作是

競嬌桃李顏良人

惜美珥欲以代芳管新纈疑故素盛趙蔑衰班曳綃爭

掩穀

今宋刻作事悞  
今從藝文類聚

揺佩奮鳴環

今宋刻作奪悞  
今從藝文類聚

客心

空振蕩高枝不可攀

高藝文類聚作喬

淇上人戲蕩子婦示行事一首

此題諸本不同或作淇上戲蕩子婦

或作淇上戲蕩子婦示行事惟宋刻作淇上人戲蕩子婦示行事案孝綽終始南朝無緣達遊淇上疑代擬淇上人之詞而示行事三字中有訛脫後人求其說而不得遂刪此三字輾轉傳寫又併人字脫去之遂似孝綽自述桑中之遇耳今仍從宋刻以存其舊

桑中始奕奕淇上未湯湯美人要雜佩上客誘明璫日  
闇人聲靜微步出蘭房露葵不待勸鳴琴無暇張翠釵



挂已落羅衣拂更香如何嫁蕩子春夜守空牀不見青

絲騎徒勞紅粉妝

不藝文類聚作未

賦得照綦燭刻五分成

宋刻賦字下誤衍一詠字據初學記刪

南皮弦吹罷終奕且留賓日下房櫳暗華燭命佳人側

光照全局回花半隱身不辭纖手倦

不初學記作莫按末二句乃代秉燭

者意中語如作莫字即與下句羞字不貫倦宋刻作卷悞今從初學記

羞令夜向晨

夜聽妓賦得烏夜啼

鷗絃且輟弄鶴操暫停徽別有啼烏曲東西相背飛

相背

藝文類聚

作各自

倡人怨獨守蕩子遊未歸

遊藝文類聚作猶  
文苑英華作殊

若逢生離唱

若逢藝文類聚作忽聞似不及若逢二字  
之愜適今仍從宋刻唱宋刻作曲與第三

句複今從

長夜泣羅衣

長藝文類  
聚作中

藝文類聚

賦得遺所思

遺簪雕璫贈綺織鴛鴦未若華滋樹交枝蕩子房別  
前秋已落別後春更芳所思不可寄惟憐盈袖香

劉遵繁華應令

可憐周小童微笑摘蘭叢鮮膚勝粉白慢臉若桃紅

藝

文類聚  
作腰

挾彈雕陵下垂釣蓮葉東腕動飄香麝衣輕任

好風幸承拂枕選得奉畫堂中

得藝文類聚作侍

金屏障翠被

藍妃覆薰籠

藝文類聚無金屏二句蓋類書節本

本知傷輕薄

知宋刻作欲悞今從

藝文類聚

含詞羞自通翦袖恩雖重殘桃愛未終蛾眉詎湏

嫉新妝遞入宮

妝遞藝文類聚作姬近

從頤還城應令

漢水深難渡深潭見底清錦竿繫鳧舸珠竿懸翠旂鳴  
笳芳樹曲流唱采蓮聲神遊不停駕日暮返連營寧顧

空房裏堦上綠苔生

王訓奉和率爾有詠

有詠據簡文詩  
題當作為詠

殿內多仙女從來難比方  
別有當窻艷復是可憐  
妝學舞勝飛燕染粉薄  
南陽散黃分黛色  
薰衣雜棗香  
簡釵新輾翠試履逆填牆  
一朝恃容色非復守空房  
君恩若可恃願作雙鴛鴦

庾肩吾詠得有所思

佳期竟不歸

竟文苑英華作者

春物作芳菲拂匣看離扇開箱

見別衣井桐生未合宮槐卷復稀不及銜泥燕從來相逐飛

詠美人看畫應令

美入下宋刻誤衍一自字據藝文類聚刪

欲知畫能巧喚取真來映並出似分身相看如照鏡安釵等周密著領俱周正不解平城圍誰與丹青競

賦得橫吹曲長安道

桂宮連複道

連藝文類聚作廷

黃山開廣路遠聽平陵鐘遙識

新豐樹合殿生光采離宮起烟霧日落歌吹還

歌吹藝文類聚

作唱  
歌悞

塵飛車馬度

南苑還看人

春花競玉顏俱折復俱攀細腰宜窄衣長釵巧挾鬟

扶藝

文類聚  
作扶悞

洛橋初度燭青門欲上關中人應有望上客莫

前還

送別於建興苑相逢

相逢小苑北停車問苑中梅新雜柳故粉白映綸紅去  
影背斜日香衣臨上風雲流堦漸黑冰開池半通去馬

船難駐啼鳥曲未終惓然從此別車西馬復東

和湘東王二首

征人別未久

未藝文類聚作來

年芳復臨牖燭下夜縫衣春寒

偏著手願及歸飛雁因書寄高柳

應令春宵

隣雞聲已傳愁人竟不眠月光侵曙後霜明落曉前縈

鬟起照鏡誰忍插花鈿

挿藝文類聚作鬟不可解然庾肩吾長安有狹邪行亦曰小婦

多妖艷當鈿鬟石榴或六

朝有此方言附存俟考

應令冬曉

劉孝威侍宴賦得龍沙宵月明

鵲飛空繞樹月輪殊未圓  
嫦娥望不出桂枝猶隱殘  
落照移樓影浮光動壑瀾  
櫪馬悲羌吹城烏啼塞寒  
傳聞

機杼妾愁余衣服單當秋終已脆

吳氏註曰終當作絲簡文帝妾薄命篇縫

針脆故絲可證

銜啼織復難斂眉雖不樂舞劍強為歡請謝函

關吏行當泥一丸

奉和湘東王應令冬曉



妾家邊洛城慣識曉鐘聲鐘聲猶未盡漢使報應行天  
寒硯水凍心悲書不成

郟縣遇見人織率爾寄婦

郟藝文類聚作郟按郟縣楚地見左傳注郟乃

晉邑不以縣名孝威歷任南朝無緣北涉作郟為悞又題首有在字則義可兩存

妖姬含怨情織素起秋聲度梭環玉動踏躡佩珠鳴

藝

文類聚作明

經稀疑杼澁緯斷恨絲輕葡萄始欲罷鴛鴦猶

未成雲棟共徘徊紗窻相向開窻踈眉語度紗輕眼笑  
來朧朧隔淺紗的的見妝華鏤玉同心藕列寶連枝花

列藝文類  
聚作襟

紅衫向後結

衫藝文類  
聚作巾

金簪臨髻斜機頂挂

流蘇機旁垂結珠青絲引伏兔黃金繞鹿盧艷彩裾邊

出芳脂口上渝百城交問遺

遺宋刻作道殊無意義案  
古詞有所思曰何用問遺

君雙珠璫瑣簪作問遺於  
文為恆故從藝文類聚

五馬共峙嶺直為閨中人守

故不要新夢啼漬花枕覺淚濕羅巾獨眠真自難重衾

猶覺寒愈憶凝脂暖彌想橫陳歡

藝文類聚愈作女暖  
作緩陳作塵並悞

行驅金絡騎歸就城南端城南稍有期

城南藝文類  
聚作南端悞想

子亦勞思羅襦久應罷花釵堪更治新妝莫點黛

莫藝  
文類

聚作  
不悞

余還自畫眉

徐君蒨共內人夜坐守歲

歡多情未極賞至莫停杯酒中挑喜子樓裏覓楊梅簾  
開風入帳燭盡炭成灰勿疑髻釵重為待曉光來

初春携內人行戲

梳飾多今世衣著一時新草短猶通屨梅香漸著人樹  
斜牽錦帔風橫入紅輪滿酌蘭英酒對此得娛神

鮑泉南苑看遊者

洛陽小苑地車馬盛經過緣溝駐行轡傍柳轉鳴珂履

高全響佩

全宋刻作含悞  
今從吳氏註本

襪輕半隱羅浮雲無處所何

用轉橫波

落日看還

妖姬競早春上苑逐名辰

辰藝文類  
聚作臣悞

箔輕變水色霞濃

掩日輪雕甍斜落景畫扇拂遊塵衣香遙已度衫紅遠  
更新誰家蕩舟妾何處織纖人

劉緩敬酬劉長史詠名士悅傾城

不信巫山女不信洛川神何關別有物還是傾城人經  
共陳王戲曾與宋家鄰未嫁先名玉來時本姓秦粉光  
猶似面朱色不勝脣遙見疑花發聞香知異春釵長遂  
鬟髮藝文類聚無釵長二句蓋類書節本小稱腰身  
態還新工傾荀奉倩能迷石季倫上客徒留目不見正  
橫陳

雜詠和湘東王三首

別後春池異荷盡欲生冰箱中剪刀冷臺上面脂凝纖

腰轉無力寒衣恐不勝

恐藝文類聚作怨悞

寒閨

樓上起秋風絕望秋閨中  
燭溜花行滿香然簫欲空  
徒交兩行淚俱浮妝上紅

秋夜

不堪寒夜久夜夜守空牀  
衣裾逐坐禡釵影近鐙長  
無憐四幅錦何須辟惡香

冬宵

鄧鏗和陰涼州雜怨

別離雖未久遂如長別離

首二句藝文類聚作暫別猶添恨何忍別經時叢桂

頻銷葉庭樹幾攀枝君言妾貌改妾畏君心移終須一

相見併得兩相知

相知藝文類聚作心知

奉和夜聽伎聲

案詩語似觀伎之作疑題有悞

華燭似明月鬟影勝飛橋伎兒齊鄭舞爭妍學楚腰新  
歌自作曲舊瑟不須調衆中俱不笑坐上莫相撩

甄固奉和世子春情

昨晚寨簾望初逢雙燕歸今朝見桃李不啻數花飛已

愁春欲度

已宋刻作以益古書以字多作目因傳寫成以耳

無復寄芳菲

### 庾信奉和詠舞

洞房花燭明燕餘雙舞輕頻履隨踈節

隨踈藝文類聚作踈隨悞低

鬟逐上聲步轉行初進

步宋刻作半初學記作伴並悞今從藝文類聚

衫飄曲

未成

衫飄宋刻作飄衫悞今從藝文類聚

鸞回鏡欲滿鶴顧市應傾已曾

天上學詎似世中生

似藝文類聚作是義可兩存文苑英華作見悞世初學記文苑英

華並作地悞



七夕

此詩今本開府集不載蓋今本乃蒐輯而成編錄者偶遺之耳

牽牛遙映水織女正登車  
星橋通漢使機石逐仙查  
隔河相望近經秋離別賒  
愁將今日恨復作明年花

和何僕射還宅懷故

紫閣旦朝罷中臺夕奏稀

夕宋刻作文今從馮氏校本註

無復千金笑

徒勞五日歸步檐朝未埽  
蘭房晝掩扉落生理曲處  
網積回文機故瑟餘絃斷  
歌梁秋燕飛朝雲誰可望  
夜帳定難依願憑甘露入  
方假慧燈輝寧知洛城晚  
還淚獨

沾衣

劉邈萬山見采桑人

倡妾不勝愁結束下青樓逐伴西蠶路

西蠶馮氏校本註作西域悞按

隋書禮志韋昭有西蠶頌蓋古蠶宮在西郊也

相携東陌頭

東藝文類聚作南

葉盡時

移樹枝高乍易鉤

乍樂府詩集作任悞

絲繩挂且脫

挂樂府詩集作提

金

籠寫復收蠶饑日已暮

暮藝文類聚作晚

詎為使君留

詎樂府詩集作

誰誤

見人織聊為之詠

藝文類聚作徐陵詠織婦詩案此書孝穆所編於自作不應悞

署蓋藝文  
類聚誤也

織織運玉指脉脉正蛾眉振蹕開交縷停梭續斷絲檐

花照初日

檐花照初日藝文類聚作檐前初日照

洞戶未垂帷弄機行掩

淚翻令織素遲

翻藝文類聚作彌

秋閨

螢飛綺窗外妾思霍將軍  
鐙前量獸錦檐下織花紋  
墜露如輕雨長河似薄雲  
秋還百種事衣成未暇薰

鼓吹曲

折楊柳

高樓十載別楊柳擢絲枝摘葉驚開駛攀條恨久離年

年阻音信月月減容儀春來誰不望相思君自知

君字於義

難通疑為  
各字之誤

### 紀少瑜建興苑

丹陵抱天邑紫淵更上林銀臺懸百仞玉樹起千尋水  
流冠蓋影風揚鼓吹音峙嶠憐拾翠顧步惜遺簪日落  
庭花轉方幘屢移陰終言樂未極不道愛黃金

### 擬吳均體應教

庭樹發春暉  
遊人競下機  
卻匣擎歌扇  
開箱擇舞衣  
柔萎不復惜  
看光遽將夕  
自有專城居  
空持迷上客

春日

愁人試出牖  
春色定無窮  
參差依網日  
澹蕩入簾風  
落花還繞樹  
輕飛去隱空  
徒令玉筯迹  
雙垂明鏡中

聞人蒨春日

按元和姓纂曰梁有聞人蒨  
詩載玉臺集所言與此本合

高臺動春色  
清池照日華  
綠葵向光轉  
翠柳逐風斜  
林有驚心鳥  
園多奪目花  
相與咸知節  
歎子獨離家  
行人

今不返何勞空折麻

藝文類聚初學記文苑英華並無末二句疑後來所刪

徐孝穆走筆戲書應令

孝穆編歷代之詩不應自收已作疑自此以下皆後

人所附入如前徐悱婦及武陵王諸作然此書乃奉簡文之命而作或當時愛重其文使自編入如太平廣記之收徐鉉稽神錄又或自喜其文偶以入選如芮挺章之國秀集尚均為事理所有惟無所避忌而變例書字其義難明寒山趙氏以為其子姓所書案文選任彦昇上蕭太傅固辭奪禮啓內昉啓一本作君啓呂向註曰昉家集諱其名但曰君撰者因而錄之又文苑英華載孝穆諸書亦稱孤子徐君與呂向之說合疑其家錄本之時既諱其名而雜列於古今作者之中又不可署曰徐君因變例書字考顏氏家訓北朝人名字並諱南朝人諱名不諱字趙氏所說似非盡無據也年湮

世達考證為難疑以  
傳疑姑仍宋刻書之

此日乍殷勤相嫌不如春今宵花燭淚不是夜迎人舞  
席秋來卷歌筵無數塵曾經新代故那惡故迎新片月  
窺花簾輕寒入帔巾秋來應瘦盡偏自著腰身

奉和詠舞

十五屬平陽因來入建章主家能教舞城中巧畫妝

宋

刻作旦悞今從藝文類聚

低鬟向綺席舉袖拂花黃燭送窻邊影衫

傳篋裏香

篋宋刻作鈴按廣雅鈴鉞也於舞衫無涉文苑英華注集作鈴尤悞此必篋訛為拾拾訛

為鈴鈴又訛為鈴  
耳今從藝文類聚

當關好留客

關藝文類聚作由義同初學記作延文苑英華

作延蓋因誤以當關為司閭而改為延字又傳寫脫去半字遂轉為延於下句故作二字殊不相應今仍從宋

刻

故作舞衣長

長文苑英華註集作棠悞

和王舍人送客未還閨中有望

倡人歌吹罷對鏡覽紅顏拭粉留花勝除釵作小鬟綺  
鐙停不滅高扉掩未關良人在何處惟見月光還

為羊充州家人答餉鏡

信來贈寶鏡亭亭似圓月鏡久自愈明人久情愈歇

二



字宋刻並  
作踰悞

取鏡挂空臺于今莫復開不見孤鸞鳥亡魂

何處來

吳孜春閨怨

玉關音使斷借問不相諳春光太無意窺窻來見參久

與光音絕

音字未詳  
疑當作景

忽見日東南柳枝皆顰燕桑葉復

催蠶物色頓如此孀居自不堪

湯僧濟詠渫井得金釵

太平御覽作陽濟蓋傳寫  
脫悞初學記亦作湯僧濟

渫初學記作深案說  
文渫訓治井作深無義

昔日倡家女摘花露井邊摘花還自挿

挿初學記太平御覽並作比

照井還自憐

照井初學記太平御覽並作挿映

窺窺終不罷

罷太平御覽作已

笑笑自成妍寶釵於此落從來不憶年

不憶初學記太平御覽並作非

一翠羽成泥去金色尚如先此人今不在此物今空傳

徐悱妻劉氏和婕妤怨

全嫺已見六卷此卷不應重出案樂府詩集此首及

下一首均作王叔英妻玉臺舊本亦必如是後人因藝文類聚載此首為徐悱妻遂改題此首為全

嫺而未檢前之已見耳

日落應門閉愁思百端生况復昭陽近傳聞歌吹聲寵

移終不恨

終藝文類聚作真悞

讒枉太無情只言爭分理非妬舞

腰輕

妬樂府詩集作獨悞

王叔英妻劉氏和昭君怨

一生竟何定萬事良難保

良文苑英華作最悞

丹青失舊圖匣玉

成秋草

匣玉宋刻作玉匣按石崇王明君詞昔為匣中玉今為糞上英朝華不足歡甘與秋草併則玉

匣為悞今從藝文類聚

相接辭關淚


相接文苑英華作想妾悞今仍宋刻

至今猶未

燥漢使汝南還

諸本並作汝南於義無取按漢書稱幕南無王庭而注謂幕即漢字此漢南之

訛也殷勤為人道



玉臺新詠考異卷八

欽定四庫全書

集部

玉臺新詠考異卷十九

詳校官中書臣陸湘

助教臣常循覆勘

總校官編修臣王煦緒

校對官編修臣盧遂

騰錄監生臣曹方畧

欽定四庫全書

玉臺新詠考異卷九

姚安府知府紀容舒撰

歌詞二首

此二首藝文類聚亦並作古詞然核其時代不應存越人歌之前按文苑英華

載前一首為梁武帝作樂府詩集載後一首亦為梁武帝作疑此二詩本署武帝序在簡文之前後

人因藝文類聚之文改為古詞升之卷端而偶忘越人歌等之尤古耳觀前八卷五言詩及第十卷

五言小詩均以梁武列簡文前獨此卷歌詞有簡文而無梁武其為改竄移撮痕迹顯然可觀也

東飛伯勞西飛燕黃姑織女時相見

李義山燕詩有去應逢阿母句自註

引古詞來飛伯勞西飛燕黃姑阿母時相見則織女字  
當作阿母然黃姑織女義取相望阿母則於義似無所  
取桂華馮馮灰子山談讀漢書弋者何幕張曲江訛記  
法言名流涉筆不必定無疎舛義山或偶然失記耳

誰家女兒對門居開顏發艷照里閭南窻北牖挂明光

宋刻及蕪文類聚並顏作華艷作色今從文苑英華及  
古樂府挂明光文苑英華古樂府並作挂月光按此

即珊瑚挂鏡爛生光意作挂月羅帷綺帳脂粉香女兒  
無義蕪文類聚亦與宋刻同

年幾十五六窈窕無雙美如玉三春已暮花從風空留

可憐與誰同

與誰文苑英華古  
樂府並作誰與

河中之水向東流洛陽女兒名莫愁莫愁十三能織綺



十四采桑南陌頭

南越文類  
聚作東

十五嫁為盧家婦十六生

兒字阿侯盧家蘭室桂為梁中有鬱金蘇合香頭上金

釵十二行足下絲履五文章珊瑚挂鏡爛生光平頭奴

子提履箱人生富貴何所望恨不早嫁東家王

早嫁宋  
刺作嫁

與今從  
古樂府

越人歌一首

併序

楚鄂君子脩者

子脩說苑  
作子哲

乘青翰之舟張翠羽

之蓋榜棹越人悅之櫂櫂而越歌以感鄂君歡

然舉繡被而覆之其詞曰

今夕何夕寒舟中流今日何日與王子同舟山有木兮

木有枝心悅君兮君不知

說苑載此歌曰今夕何夕兮  
寒洲中流今日何日兮得與

王子同舟蒙羞被好兮不訛詬耻心幾煩而不絕兮得  
知王子山有木兮木有枝心悅君兮君不知與此所載

互異然古藉流傳是不一本介之推龍蛇之歌史記與  
呂氏春秋說苑新序各殊接輿之歌論語與莊子互異  
滄浪之歌孟子與文子不同六朝人所見之書隋志所  
著錄者今已十不存一苟其文從字順義可並通即不

能斷其  
必悞也

司馬相如琴歌二首 併序

司馬相如遊臨邛富人卓王孫有女文君新寡  
竊於壁間窺之相如鼓琴歌挑之曰

鳳兮鳳兮歸故鄉遨遊四海求其皇

求其太平御覽作索我

時未

通遇無所將

通遇太平御覽作遇兮

何悟今夕升斯堂

升宋刻作昇悞今從

藝文類聚

有豔淑女在此方

方太平御覽作房

室邇人遐毒我腸

毒宋

刻作獨悞今從樂府詩集

何緣交頸為鴛鴦

樂府詩集此句下有胡頽頽兮共翔翔一句于

文為複宋刻無之太平御覽亦無之

皇兮皇兮從我栖得託孽尾永為妃交情通體心和諧

中夜相從知者誰雙興俱起翻高飛無感我思使余悲

烏孫公主歌詩一首

併序

漢武元封中以江都王女細君為公主嫁與烏

孫昆彌至國而自治宮室

宮室宋刻作室  
官據漢書改

歲時

一再會言語不通公主悲愁自作歌曰

吾家嫁我分天一方遠托異國分烏孫王穹廬為室兮

種為墻以肉為食兮酪為漿居常土思兮心內傷願為

黃鵠兮還故鄉

吾家下宋刻有之字以肉為食宋刻無  
以字居常土思宋刻作常思漢土願為

黃鵠宋刻作願為飛黃鵠又藝文類聚所載遠託句居  
常句俱無兮字土思作思土肉字上亦無以字按此歌  
出漢書西域傳正史所載當以為據  
諸本蓋傳寫訛異今並從漢書改正

漢成帝時童謡歌二首

併序

漢成帝趙皇后名飛燕寵幸冠於後宮常從帝  
出入時富平侯張放亦稱佞幸為期門之遊故

歌云張公子時相見也飛燕驕妒

驕宋刻  
悞作嬌

成帝

無子故云啄皇孫華而不實王莽自云代漢者  
德土色尚黃故云黃雀飛燕竟以廢死故為人

所憐者也

燕燕尾涎涎

案涎涎宋刻作殿殿蓋以音近而誤今據漢書改正近本漢書作涎涎又以形似而

訛張公子時相見木門倉琅根

琅宋刻誤作狼今從漢書改

燕飛來

啄皇孫

桂樹花不實黃雀巢其顛昔為人所羨今為人所憐

漢按

書五行志前一首啄皇孫句下有皇孫死燕啄失二句後一首桂樹華不實句上有邪徑敗良田讒口亂善人

二句宋刻皆無之然孝穆所列小序每句各為訓釋而不及此四句似乎孝穆原本即以刪節非傳寫脫漏今

仍從宋刻所載以存其舊

漢桓帝時童謡歌二首

小麥青青大麥枯誰當穫者婦與姑丈夫何在西擊胡  
吏買馬君具車請為諸君鼓隴胡

城上烏尾畢逋公為吏子為徒一徒死百乘車車班班  
入河間河間姹女工數錢以錢為室金為堂石上慊慊

春黃梁梁下有懸鼓

按上句梁字從米下句梁字從木諸本多淆

我欲擊之

丞相怒

宋刻子作兒入作至河間姹女上亦有一至字錢為室上無以字慊慊春黃梁作春臘梁梁下

作臘梁之下藝文類聚子亦作兒班班作班蘭入亦作至河間下不疊河間二字以錢為室四字作銀為室石

上懶懶作戶上臘臘梁下有懸鼓句無梁字懸字按此  
語載續漢書五行志司馬彪隨文詮釋劉昭復加推行  
一字一句俱有意義其宋刻及藝文類聚所載  
頗為格格難通恐傳寫有訛今從續漢志改正

張衡四愁詩四首

按文苑載此四詩前有平子自  
叙所謂依屈原以美人為君子

以珍寶為仁義以水深雪為小人思以道術相  
報貽於時君而懼讒邪不得以通者正作者之本  
意孝穆獨刪去之蓋此集所錄皆褒裾脂粉之詞  
可備艷體之用其非艷體而見收者亦必篇中字  
句有涉閨幃故一卷漢時童謠以廣眉半額字而  
錄三卷陸機緩聲歌以宓妃等字而錄陶潛擬古  
以美人酣歌字而錄五卷何遜贈魚司馬詩以歌  
黛舞腰字而錄以及此卷漢謠四首其二以趙飛  
燕張放而錄其二以丈夫何在及蛇女數錢二語  
而錄晉謠一首以女子千妖字而錄其意旨皆可



逆推此四詩之見錄亦以美人贈報等語若存其  
本序則與艷體為不倫故刪去以就此書之例非

遺漏也吳氏本從文選  
補入殊非孝穆之本旨

一思曰我所思兮在太山欲往從之梁甫艱側身東望  
涕沾翰美人贈我金錯刀何以報之英瓊瑤路遠莫致  
倚道遙何為懷憂心煩勞

二思曰我所思兮在桂林欲往從之湘水深側身南望  
涕沾襟美人贈我金琅玕

金宋刻及五臣文選註本並  
作渠今從李善文選註本

何以報之雙玉盤路遠莫致倚惆悵何為懷憂心煩快

三思曰我所思兮在漢陽欲往從之隴坂長側身西望

涕沾裳美人贈我貂襜褕

太平御覽貂襜褕即引張衡四愁詩曰美人贈我貂襜褕以

顓推之當在此首然諸本並作貂襜褕疑御覽悞也

何以報之明月珠路遠莫致

倚峙嶠何為懷憂心煩紆

四思曰我所思兮在雁門欲往從之雪紛紛側身北望  
涕沾巾美人贈我錦繡段何以報之青玉案路遠莫致  
倚墮嘆何為懷憂心煩惋

一 秦嘉贈婦詩一首

宋刻原註四言

暖暖白日引曜西傾啾啾難雀

雀可云赴極鶻字疑悞然潘岳

寡婦賦曰雀羣飛而赴極兮鶻登栖而斂翼李善注引此詩亦作鶻雀

羣飛赴楹皎皎明

月煌煌列星嚴霜悽愴飛雪覆庭寂寂獨居寥寥空室

室字與燭字不諧疑當作屋飄飄帷帳熒熒華燭爾不是居帷帳何

施爾不是照華燭何為

### 魏文帝樂府燕歌行二首

秋風蕭瑟天氣涼草木搖落露為霜羣燕辭歸雁南翔

雁樂府詩集作鵲悞

念君客遊多思腸

君樂府詩集作吾悞

慊慊思婦戀故

鄉君何掩留寄他方

君何執文類聚作何為

賤妾熒熒守空房憂

來思君不可忘

不可樂府詩集作不敢

不覺淚下沾衣裳援琴鳴

絃發清商短歌微吟不能長明月皎皎照我床星漢西

流夜未央牽牛織女遙相望爾獨何辜限河梁

辛宋刻作幸悞

今從文選

別日何易會日難山川遙遠路漫漫鬱陶思君未敢言

寄聲浮雲往不還涕零雨面毀容顏誰能懷憂獨不歎

展詩清歌聊自寬樂往哀來摧肺肝耿耿伏枕不能眠

披衣出戶步東西

馮氏校本注西一作偏由不知西古音先而撫左傳臆改之以就後世聲

律也

仰看星月觀雲間

看晉樂所歌作載按入樂之詞率皆增損本不足以為據然此句看

與觀複殊乖句格疑戴字乃其本文而看字為傳寫訛舛也

飛鳥晨鳴聲可憐留連

顧懷不能存

### 曹植樂府妾薄命行一首

宋刻原註六言

日既逝矣西藏

日既逝矣宋刻作日月既逝按日夕不當兼言月藏蓋分為二篇時所改今從

藝文類聚

更會蘭室洞房華燈步障舒光

步障藝文類聚作先置悞皎若

日出樽桑促樽合坐行觴主人起舞婆娑盤能者冗觸別

端

此句未詳

騰觥飛爵開千同量等色齊顏任意交属所歡

朱顏發外形蘭

形蘭二字未詳

袖隨禮容極情妙舞僊僊體輕

妙藝文類聚作屢

裳解履遺絕

纓裳解藝文類聚作解裳

俛俯笑喧無呈

呈字未詳疑當作程程節度限制也

覽持佳人玉顏齊接金爵翠盤

接藝文類

聚作

手形羅袖良難腕弱不勝珠環御巾褰粉君旁

聚粉

太平御覽作粉於悞

中有霍納都梁鷄舌五味雜香進者何人齊

姜思重愛深難忘名筵親好宴私但歌栢來何遲客賦

既醉言歸主人稱露未晞

藝文類聚載此篇前有携玉手喜同車北上雲閣飛除釣

臺寒產清虛池塘靈沼可娛仰汎龍舟綠波俯擢神草  
枝柯想被宓妃洛河退詠漢女湘娥八句樂府詩集則  
分前八句自為一篇按前八句文類聚通作一篇為是  
更會二字亦突起無根當以藝文類聚通作一篇為是  
然吳兢樂府解題亦曰妾薄命曹植云日月既逝西藏  
蓋恨燕私之歡不及則分日月既逝以下自為一篇當  
時原有此別本孝穆編次之時偶據所見錄之非  
刪節亦非脫誤今仍宋刻所載而附錄異同如右

### 傅玄擬北樂府三首

歷九秋兮三春遺貴客兮遠賓

宋刻遺字上悞衍分字今從樂府詩集刪然遺

字亦不可解疑為邀字之訛

顧多君心所親乃命妙伎才人炳若日

月星辰

其

序金壘兮玉觴賓主遶起雁行

雁樂府詩集作寫悞杯

若飛電絕光交觴接卮結裳

結裳二字未詳

慷慨歡笑萬方

其二

奏新詩兮夫君爛然虎變龍文渾如天地未分齊謳楚

舞紛紛歌聲上激青雲

其三

窮八音兮異倫奇聲靡靡每

新微笑素齒丹唇逸響飛薄梁塵精爽眇眇入神

其四坐

咸醉兮沾歡引樽促席臨軒進爵獻壽翩翩

翩翩翻翻詩集作翻

翻

千秋要君一言願愛不移若山

其五

君恩愛兮不竭

若朝日夕月此景萬里不絕長保初醺結髮何憂坐生

胡越

其六 坐字下樂府詩集候脫生字

攜弱手兮金環上遊飛閣雲間



穆若鴛鳳雙鸞

鸞樂府詩集悞作燕

還幸蘭房自安娛心極意難

原

其七

樂既極兮多懷盛時忽逝若顏寒暑御景迴春

榮隨風飄摧感物動心增哀其八妾受命兮孤虛男兒墮

地稱妹

墮樂府詩集悞作隨悞

女弱雖存若無

雖宋刻作難今從樂府詩集

骨肉

至親更疎奉事他人托軀其九君如影兮隨形賤妾如水

浮萍明月不能常盈誰能無根保榮良時冉冉代征其十

顧繡領兮含輝皎日回光側微

側樂府詩集悞作則

朱華忽爾漸

衰影欲捨形高飛誰言往恩可追

其十一

恩樂府詩集悞作思悞齊與

麥兮夏零蘭桂踐霜逾馨

霜樂府詩集作履

祿命懸天難明委

心結意丹青何憂君心中傾

其十二

歷九秋篇董逃行

逃宋刻悞作枕  
解題稱傳立董逃行十二章

吳兢樂府

具述夫婦離別之意所言與詩意全殊豈別有  
十二章而亡之耶然曹植妾薄命篇解題謂恨  
則所解固不盡可據也

車遥遥兮馬洋洋迫思君兮不可忘君安遊兮西入秦

願為影兮隨君身君在陰兮影不見君依光兮妾所願

車遥遥篇

燕人美兮趙女佳其室則邇兮限層崖雲為車兮風為  
馬玉在山兮蘭在野玉在太平御覽作玉為  
候山藝文類聚作泥雲無期兮  
風有止思心多端兮誰能理

燕人美篇

擬四愁詩四首

併序

昔張平子作四愁詩體小而俗七言類也聊擬  
而作之名曰擬四愁詩其辭曰

我所思兮在瀛洲願為雙鵲戲中流牽牛織女期在秋

山高水深路無由  
慙予不遘嬰殷憂  
佳人貽我明月珠  
何以要之比目魚  
海廣無舟悵勞敝  
寄言飛龍天馬駒  
風起雲披飛龍逝  
驚波滔天馬不厲  
何為多念心憂世

其一

我所思兮在珠厓  
願為比翼浮清池  
剛柔合德配二儀  
形影一絕長別離  
慙余不遘情如攜  
佳人貽我蘭蕙草  
何以要之同心鳥  
火熱水深憂盈抱  
申以琬琰夜光寶  
卞和既沒玉不察  
存若流光忽電滅  
何為多念獨蘊結

其二

我所思兮在崑山願為鹿麇窺虞淵日月回耀照景天

照景疑當作景照

參差曠隔會無緣慙余不遘罹百艱佳人贈

我蘇合香何以要之翠鴛鴦懸度弱水川無梁申以錦  
本文繡裳三光騁邁景不留鮮矣民生忽如浮何為多

念祇自愁

其三

我所思兮在朔方願為飛燕俱南翔煥乎人道著三光  
胡越殊心生異鄉慙余不遘罹百殃佳人貽我羽葆纓

何以要之影與形增冰憂結繁華零申以日月指明星  
星辰有翳日月移驚馬哀鳴慙不馳何為多念徒自虧

其四

盤中詩一首

按滄浪詩話列盤中詩為一體注曰玉臺集有此詩蘇伯玉妻作馮之盤

中屈曲成文也據此則此詩出處以玉臺新詠為最古當時舊本亦必明署蘇伯玉妻之名故滄浪云爾宋刻于題上悞佚其名因而目錄失載馮氏校本遂改題為傅玄之詩殊為疎舛又此詩列傅玄張載之間其為晉人無疑詩紀詩乘並列之漢詩亦未詳何據

山樹高鳥鳴悲泉水深鯉魚肥空倉雀常苦饑吏人婦

會夫稀出門望見白衣謂當是而更非還入門中心悲  
北上堂西入階急機絞杼聲催長嘆息當語誰君有行

妾念之出有日還無期結巾帶

巾帶疑當作中帶說見一卷枚乘雜詩第二首

長相思君忘妾天知之

天馮氏詩紀作未似於義為長

妾忘君罪當治

妾有行宜知之黃者金白者玉高者山下者谷姓為蘇

字伯玉作人才多智謀足家居長安身在蜀何惜馬蹄

歸不數羊肉千斤酒百斛令君馬肥麥與粟今時人智

不足與其書不能讀當從中央周四角

張載擬四愁詩四首

我所思兮在南巢欲往從之巫山高登屋遠望涕泗交  
我之懷矣心傷勞佳人遺我筒中布何以贈之流黃素  
願因飄風超遠路終然莫致增想慕其一

我所思兮在朔涓欲往從之白雪霏登屋永眺涕泗顏  
我之懷矣心傷悲佳人遺我雲中翮何以贈之連城璧  
願因歸鴻超遐隔起宋刻作起悞終然莫致增永積其二

我所思兮在隴原欲往從之隔秦山  
按秦山宋刻作泰山隴原在西秦山



不能相隔。甄文類聚作泰山，今從之。登屋遠望涕泗連。我之懷矣心傷煩。

佳人遺我雙角端。何以贈之彫玉環。願因行雲超重巒。

終然莫致增永嘆。

其三

我所思兮在營州。

四愁本分屬四方。南巢在南朔。涓在北。醜原在西北。首應指東方而曰營

州者。蓋據爾雅釋地。齊曰營州之文。非記字也。

欲往從之路阻修。登屋遠望涕

泗流。我之懷矣心傷憂。佳人遺我綠綺琴。何以贈之雙

南金。願因流波超重深。終然莫致增永吟。

四其

晉惠帝時童謡歌一首

鄴中女子莫千妖前至三月抱胡腰

陸機樂府燕歌行一首

四時代序逝不追寒風習習落葉飛蟋蟀在堂露盈墀  
念君遠遊常若悲君何緬然久不歸賤妾悠悠心無違  
白日既沒明鐙輝寒禽赴林匹鳥棲雙鳩關關宿河湄  
憂來感物涕不晞非君之念思為誰別日何早會日遲

鮑昭代淮南王二首

淮南王好長生服食練氣讀仙經琉璃藥碗牙作盤金

鼎玉七合神丹合神丹戲紫房

戲藝文類聚樂府詩集並作賜悵

紫房

彩女弄明璫驚歌鳳舞斷君腸

朱城九門門九開

首句樂府詩集作朱門九重門九閨悵

願逐明月入君

懷入君懷結君佩怨君恨君恃君愛築城思堅劍思利  
同盛同衰莫相棄

### 代白紵歌詞二首

朱屑動素袖舉

宋刻作素腕藝文類聚作素袖按晉白紵舞詞質如輕雲色如銀愛之遺誰贈

佳人製以為袍餘作巾袍以光軀巾拂塵麗服在御會佳賓則素袖寔切白紵宋刻益不知古不忌白而誤改

樂府詩集亦與茲文類聚同今從之

洛陽少童邯鄲女古稱淥水今白紵

催弦急管為君舞窮秋九月荷葉黃北風驅雁天雨霜  
夜長酒多樂未央

春風澹蕩使思多天色淨綠氣妍和桃含紅萼蘭紫芽

桃含藝文類聚作含桃

朝日灼爍發園花卷幌結帷羅玉筵齊謳

秦吹盧女弦千金一笑買芳年

一藝文類聚樂府詩集並作顧悵

行路難四首

中庭五株桃一株先作花陽春妖冶二三月隨風簸蕩

落西家西家思婦見之惋零淚沾衣撫心嘆初送我君  
出戶時何言淹留節迴換床席生塵明鏡垢纖腰瘦削  
髮蓬亂人生不得恒稱意惆悵徙倚至夜半

判藥染黃絲黃絲歷亂不可治昔我與君始相值爾時

自謂可君意結帶與我言死生好惡不相置

結帶二句古樂府注

一作結帶與君同死生好惡不肯相棄置

今日見我顏色衰意中錯漠與先

異還君金釵毒瑁簪

金古樂府作玉

不忍見之益悲思

奉君金卮之美酒

美酒宋刻作盃酒按既曰金卮不應複用盃字今從樂府詩集

毒瑁

玉匣之彫琴七采芙蓉之羽帳九華蒲萄之錦衾紅顏

零落歲將暮寒花宛轉時欲沉

花樂府詩集作光

願君裁悲且

減思

減宋刻作減悞今從樂府詩集

聽我抵節行路吟不見栢梁銅雀

上寧聞古時清吹音

璿閨玉墀上椒閣文窻繡戶垂綺幙中有一人字金蘭

被服纖羅蘊芳藿春燕差池風散梅開帷對影弄禽爵

禽爵未詳樂府詩集注一作春爵亦不可解疑

金爵謂釵也曹子建美女篇頭上金爵釵含歌攬

淚不能言人生幾時得為樂寧作野中之雙鳬不願雲

間之別鶴

宋刻作寧作野中雙飛鳬不願雲間別翅鶴不及此二句之矯健且別翅鶴三字尤湊泊

今從樂府詩集

釋寶月行路難一首

按鍾嶸詩品以此詩為柴廓作述寶月摟竊之事甚詳此

仍題寶月益古人詳慎不輕米雜說也

君不見孤雁關外發  
酸嘶度揚越  
空城客子心  
腸斷幽  
閨思婦氣  
欲絕凝霜  
夜下拂羅  
衣浮雲中  
斷開明月  
夜遙遙  
徒相思  
年年望望  
情不歇  
寄我匣中  
青銅鏡  
倩人為  
君除白髮  
行路難  
行路難  
夜聞南  
城漢使  
度使我

流淚憶長安

陸厥李夫人及貴人歌一首

屬車挂席塵豹尾香煙滅彤殿向薜蘿青蒲復萎絕坐  
萎絕對薜蘿臨丹階泣椒塗寡鶴羈雌飛且止彤梁翠  
壁網蜘蛛洞房明月夜對此淚如珠

沈約八詠二首

宋刻原註六  
首在卷末

望秋月秋月光如練照耀三爵臺徘徊九華殿九華璫  
瑁梁華櫺與璧璫以此雕麗色持照明月光凝華入黼



帳清輝懸洞房先過飛燕戶却照班姬床桂宮裊裊落

桂枝露寒淒淒凝白露上林晚葉颯颯鳴雁門早鴻離

離度湛秀質兮似圭委清光兮如素照愁軒之蓬影映

金堦之輕步居人臨此笑以歌別客對之傷且慕

且慕  
執文

類聚作  
旦慕悞

經衰圃映寒叢凝清夜帶秋風隨庭雪以偕素

與池荷而共紅臨玉墀之皎皎含霜靄之濛濛輔天衢

而徒步

徒步二字未詳文苑英華作從度亦不甚可  
解疑為從度之訛謂按周天之度而從也 輟

長漢而飛空隱巖崖而半出隔帷幌而纔通散朱庭之

奕奕入青瑣而玲瓏間階悲寡鵲沙洲怨別鴻文姬泣

胡殿

文姬宋刻作昭姬其候顯然今從古詩類苑本

明君思漢宮余亦何為者

淹留此山東

望秋月

本作登臺望秋月寒山趙氏以為與後首會國二字皆孝穆所刪於理為近茲

文類聚亦題曰望秋月蓋即從此本也

臨春風春風起春樹遊絲暖如網落花零似霧先泛天

淵池還過細柳枝蝶逢飛搖颺燕值羽參差

參差二字與下複疑

為雲池之記

揚桂旆動芝蓋開燕裾吹趙帶趙帶飛參差燕

裾合且離回簪復轉黛顧步惜容儀容儀已照灼春風

復回薄氛氤氲桃李花青跗含素萼既為風所開復為風

所落搖綠蒂枕紫莖

枕字不可解馮氏詩紀作杭亦不可解按左思吳都賦曰杭白蒂街

朱韋許慎說文曰杭動也李善文選註亦訓杭為搖疑為杭字之悞舞春雪雜流鶯曲房

開兮金鋪響金鋪響兮妾思驚梧桐未陰淇川始碧

始宋

刺作如悞迎行雨于高唐送歸鴻於碣石經洞房響素紈感

幽閨思幃帶想芳園兮可以遊

芳園下宋刻悞脫兮字

念蘭翹兮

漸堪摘拂明鏡之冬塵解羅衣之秋襞既鏗鏘以動佩

又氤氲而流麝始搖蕩以入閨終徘徊而緣隙鳴珠簾  
於繡戶散芳塵于綺席是時悵思婦安能久行役佳人  
不在茲春風為誰惜

臨春風

本作會國臨春風  
說見望秋月條下

春日白紵曲一首

蘭葉參差桃半紅飛芳舞縠戲春風翡翠羣飛飛不息  
願在雲間長比翼

秋日白紵曲一首

白露欲凝草已黃金管玉柱響洞房雙心一影俱回翔

吐情寄君君莫忘

臣按古今樂錄曰沈約云白紵五章勅

紵詞曰蘭葉參差桃半紅飛芳舞戲春風如嬌如怨

狀不同含笑流芬滿堂中翡翠羣飛飛不息願在雲間

長比翼佩服瑶草駐容色舜日堯年歡無極秋白紵詞

曰白露欲凝草已黃金管玉柱響洞房雙心一影俱回

翔吐情寄君君莫忘翡翠羣飛飛不息願在雲間長比翼佩服瑶草駐容色舜日堯年歡無極與此所載皆不

同或為孝穆所刪取或為後人所竄易或為傳寫所訛

脫均無顯証不欲輕改舊本姑仍宋刻所載而附識其

異同  
如右

# 吳均行路難二首

君不見上林苑中客冰羅霧縠象牙席盡是得意忘言

者探腸見膽無所惜白酒甜鹽甘如乳綠觴皎鏡華如

碧少年持名不肯嘗

甜鹽字持名字諸本並同皆不可解以上下文義推之疑甜鹽當作

甜醞持名當作持盃

安知白駒應過隙博山爐中百和香鬱金蘇

合及都梁逶迤好氣佳容貌經過青瑣歷紫房已入中

山陰后帳

陰后樂府詩集作馮后按漢書外戚傳雖載馮昭儀為中山太后然中山陰后戰國策亦

有明文既義可並存即不必輕改舊本

復上皇帝班姬床

梁代詩人不應泛稱漢成為皇

帝疑為漢帝之說

班姬失寵顏不開奉帚供養長信臺日暮耿

耿不能寐秋風切切四面來玉堦行路生細草金爐香滅變成灰得意失意須臾頃非君方寸逆所裁

洞庭水上一株桐經霜逐浪困嚴風昔時抽心耀白日

今旦卧死黃沙中洛陽名工見咨嗟

工文苑英華作士悞今從藝文類聚

一翦一刻作琵琶白璧規心學明月珊瑚映面作風花

帝王見賞不見忘提攜把握登建章掩抑摧藏張女彈

殷勤促柱楚明光年年月月對君子

子文苑英華作王按此詩皆隔句用

韻不應此句獨疊一韻

遙遙夜夜宿未央未央綵女弄鳴篪

未央綵女

文苑英華作  
綠女宮娥悵

爭先拂拭生光儀光文苑英華作見生 采

莫錦衣玉作匣安念昔日枯樹枝不學衡山南嶺桂至

今千年猶未知

張率擬樂府長相思二首

長相思久離別美人之遠如雨絕獨延佇心中結望雲

去去遠望鳥飛飛滅

樂府詩集作望雲  
去遠望鳥飛滅

空望終若斯

珠淚不能雪

長相思久別離所思何在若天垂鬱陶相望不得知玉



階月夕映

宋刻羅幃上誤重羅幃二字今從藝文類聚

羅幃風夜吹長思不

能寢坐望天河移

白紵歌詞二首

歌兒流唱聲欲清舞女趯節體自輕歌舞並妙會人情  
依絃度曲婉盈盈揚蛾為態誰目成

妙聲屢唱輕體飛流津染面散芳菲俱動齊息不相違  
令彼嘉客憺忘歸時久玩夜明星稀

費昶行路難二首

君不見長安客舍門倡家少女名桃根貧窮夜紡無燈  
燭何言一朝奉至尊至尊離宮百餘處千門萬戶不知  
曙惟聞啞啞城上烏玉闌金井牽轆轤丹梁翠柱飛屠  
蘇香薪桂火炊雕胡當年反覆無常定薄命為女何必  
麗何必文苑英華作心已又註一作已並悞麗者輕  
賤之意麗婢麗官唐人尚有此語何必麗者言雖薄  
命為女亦何  
必定輕賤也

君不見人生百年如流電心中焰堦君不見我昔初入  
椒房時詎減班姬與飛燕朝踏金梯上鳳樓

踏宋刻作  
踰悞今從

文苑英華

暮下璣鈎息鸞殿

下文苑英華作入悞

柏梁晝夜香錦帳自

飄颻笙歌棗下曲

棗下曲宋刻及文苑英華並作勝上吹今從馮氏校本註琵琶陌

上桑過蒙恩所賜

蒙文苑英華作叨

餘光曲霑被既逢陰后不

自專復值程姬有所避黃河千年始一清微軀再逢永

無議

議字未詳文苑英華作義亦未詳

蛾眉偃月徒自妍傅粉施朱欲

誰為不如天淵水中鳥

鳥文苑英華作兔

雙去雙歸長比翅

皇太子聖製烏栖曲四首

宋刻原註簡文

芙蓉作船絲作絃北斗橫天月將落采桑渡頭礙黃河

桑宋刻作蓮按樂府詩集采桑度條下米桑度梁時作  
水經曰河水過曲縣西南為米桑津春秋僖公八年晉  
里克敗狄於米桑是也梁簡文帝烏栖曲曰米桑渡頭  
砥黃河即今欲渡畏風波藝文類聚亦作米桑然則米  
蓮為  
悞即今欲渡畏風波

浮雲似帳月成鉤那能夜夜南陌頭宜城醞酒今行熟

按周禮酒正五齊條下鄭玄注曰泛者成而滓浮泛泛  
然如今宜成醞矣賈公彥疏曰宜成說以為地名曹植  
酒賦曰宜成醞醪蒼梧縹青若馬融所云今之宜成會  
稽稻米清則以宜成為酒名故劉杳要雅亦以宜成為  
酒名二者未知孰是據此則宜城當作宜成醞酒樂  
府詩集作投泊宋刻作醞酒並悞今從文苑英華行  
文苑英華作夜按賈思勰齊民要術造酒法凡以米  
入麴皆謂之醞有自初醞至十醞者則謂醞為醞實六

朝之語似文苑英華韻字乃殿字之訛  
樂府泊字乃酒字之誤併附識以備考  
莫惜停鞍暫棲

宿

莫惜停鞍宋刻作停鞍  
繫馬今從文苑英華

青牛丹轂七香車可憐今夜宿倡家  
倡家高樹鳥欲棲

羅幃翠帳向君低

向文苑英華作任

織作屏風銀屈膝朱脣玉貌鐙前出  
相看氣息望君憐

誰能含羞不自前

自文苑英華作向悞

### 雜句從軍行一首

雲中亭障羽檄驚甘泉烽火通  
夜明貳師將軍新築營

營宋刻作城韻與下  
復今從藝文類聚  
嫖姚校尉初出征復有山西將絕

世愛雄名  
今從宋刻作受候  
三門應遁甲五壘學神兵白

雲垂旆色  
今從宋刻作陣候  
蒼山答鼓聲邈迤觀鵝翼參

差睹雁行  
邈迤二句文苑英  
華在侍婢句下候  
先平小月陣却滅大宛城

善馬還長樂黃金付水衡  
小婦趙人能鼓瑟  
侍婢初笄

解鄭聲庭前柳絮飛欲合  
柳絮宋刻作桃花文苑英華  
作柳花欲宋刻及文苑英華

並作已今從  
藝文類聚  
必應紅妝起見迎  
起見藝文類聚文  
苑英華並作來起

和蕭侍中子顯春別四首

宋刻原  
註七言

別觀葡萄帶實垂江南豆蔻生連枝無情無意猶如此

猶苑文類  
聚作又悵

有心有恨徒別離

蜘蛛作絲滿帳中芳草結葉當行路紅臉脉脉一生啼  
黃鳥飛飛有時度故人雖故昔經新新人雖新復應故  
可憐淮水去來潮春堤楊柳覆河橋淚迹未燥詎終朝  
行聞玉佩已相要

桃紅李白若朝妝羞持顥頰比新芳

今芳宋刻作楊悵  
從藝文類聚不

惜暫住君前死愁無西國更生香

雜句春情一首

蝶黃花紫燕相追楊低柳合路塵飛已見垂鈎掛綠樹  
誠知淇水沾羅衣兩童夾車問不已五馬城南猶未歸  
鶯啼春欲駛無為空掩扉

擬古一首

窺紅對鏡斂雙眉含愁拭淚坐相思念人一去許多時  
眼語笑靨迎來情心懷心想甚分明憶人不忍語含淚  
獨吞聲



倡樓怨節一首

宋刻原  
註六言

朝日斜來照戶春鳥爭飛出林片光片影皆麗一聲一  
轉煎心上林紛紛花落淇水漠漠苔浮年馳節流易盡

何為忍憶含羞

憶執文類  
聚作意

湘東王春別應令四首

宋刻原註七言 湘東王又  
不書名蓋偶然竄易未盡也

昆明夜月光如練上林朝花色如霞花朝月夜動春心

誰忍相思不相見

不相執文類  
聚作今不

試看機上交龍錦

交執文類  
聚作蛟候

還瞻庭前合歡枝映日通

風影珠幔

珠宋刻作朱按王融詠幔詩曰幸得與珠綴  
幕屋君之楹則以珠綴幔故曰珠幔作朱為

非今從  
文類聚

飄花拂葉度金墀不聞離人當重合惟悲合

罷會成離

門前楊柳亂如絲直置佳人不自治適言新作裂紉詩

誰悟今成織素詞

日暮徙倚渭橋西正見涼月與雲齊

涼  
聚作流  
類

若使月

光無近遠應照離人今夜啼

夜  
聚作  
候

蕭子顯春別四首

翻鶯度燕雙比翼楊柳千條共一色

共莖文類聚作同

但看陌

上攜手歸誰能對此空相憶

相莖文類聚作中悞

幽宮積草自芳菲黃鳥芳樹情相依爭風競日常聞響

競莖文類聚作竟悞

重花疊葉不通飛當知此時動妾思慙使羅

袂拂君衣

莖文類聚慙作覺羅作罷君作臣並悞

江南大道日華春垂楊掛柳掃清塵淇水昨送淚沾巾

紅妝宿昔已應新

銜悲攬淚別心知桃花李花任風吹本知人心不似樹

何意人別似花離

樂府烏栖曲應令二首

握中清酒瑪瑙鍾

清酒宋刻作酒樽按既曰梧又裾邊曰鍾于文為複今從文苑英華

雜佩琥珀龍

龍馮氏校本注一作紅按史游急就篇曰像臂琅玕虎魄龍顏師古注曰言以虎魄

為龍并取琅玕像著臂肘取其媚好且珍貴也此句蓋用此典琥珀即虎魄字異文耳然則紅字為不知悞改

矣欲持寄君心不惜

欲樂府詩集作虛悞君文苑英華作心義可兩存

共指三

星今何夕

濃黛輕紅點花色還欲令人不相識金壺夜水詎能多

夜水莖文類聚作夜永文苑英華註一作此夜並悞  
詎宋刻作誰悞今從文苑英華注多莖文類聚作過

悞莫持奢用比懸河持文苑英華作恃悞奢宋刻作英

華作此悞

### 燕歌行

風光遲舞出青蘋蘭條翠鳥鳴發春洛陽梨花落如雪

河邊細草細如茵

文苑英華落作白細作青吳氏注本下細字作組于義為慙而未詳所本

桐生井底葉交枝今看無端雙燕離五重飛樓入河漢

九華閣道暗清池還看白馬津上吏傳道黃龍征戍兒

明月金光徒照妾

徒文苑英華作從

浮雲玉葉君不知思君昔

去柳依依至今八月避暑歸明珠蠶繭勉登機鬱金香

薦持香衣

上香字文苑英華作春

洛陽城頭雞欲曙丞相府中烏

未飛夜夢征人縫狐貉私憐織婦裁錦緋吳刀鄭綿絡

緋文苑英華作絡絡文苑英華作結按楚詞招魂秦翼齊纓鄭綿絡此則結字為悞下韻既不作結則上句作

悞亦寒閨夜被薄芳年海上水中鳬日暮寒夜空城雀

王筠行路難一首

千門皆閉夜何央百憂俱集斷人腸探揣箱中取刀尺

拂拭機上斷流黃，情人逐情雖可恨。復畏邊遠乏衣裳。

復文苑英華作傷悵

已縲一縷催衣縷。

縲文苑英華作縲悵

復擣百和裏衣。

香猶憶去時腰，大小不知今日身。短長衲襠雙心共一。

抹袖復兩邊，作八襖襟帶。雖安不忍縫。

縫文苑英華作繫

開孔。

裁穿猶未達胸前，却月兩相連。本照君心不照天，願君。

分明得此意，勿復流蕩。不如先含悲，含怨判不死。封情。

忍思待明年。

劉孝綽元廣州景仲座見故姬一首。

按此詩語意不似孝綽自

作疑孝綽於元景仲座見故姬而王筠嘲之宋刻因題上有孝綽姓名時代先後又適與王筠相接遂悞以為孝綽作而目錄別出一條耳詩紀注一作代人詠見故姬則又明人覺其未安而改之然代字仍未安也

留故夫

留字未詳

不峙嶠別待春山上相看采薜蘿

劉孝威擬古應教一首

按此及梁簡文帝作二首並載文苑英華而此詩又

二百三卷二百五卷兩見皆題曰紹古詞蓋古有是作而擬之武帝東飛伯勞一首亦擬作也後人失其本詞遂以武帝作當之而不審其詞氣之不類馮氏詩紀兼收於晉代樂府中更臆斷矣

雙棲翡翠兩鴛鴦巫雲落月乍相望

巫雲文苑英華二百五卷作巫山洛



月宋刻作落月並悞誰家妖冶折花枝蛾眉睜睜使情移

蛾眉句文苑英

華二百三卷作衫長釧動任風吹

青鋪綠瑣琉璃扉

青鋪綠瑣文苑英華二百三卷作金

鋪玉瑣二百五卷作青鋪瑣憲李

璦璦玉筍金縷衣

璦璦句文苑英華二百三卷作日聞錄並作花鈿寶鏡織成衣

美人年幾可十餘含羞

轉笑斂風裾

轉文苑英華二百三卷作騁

珠丸出彈不可追空留可

憐持與誰

### 徐君倩別義陽郡二首

翔鳳樓遙望與雲浮歌聲臨樹出舞影入江流葉落看

村近天高應向秋

飾面亭

飾宋刻作飭悞又馮氏校本此下增妝成二字註曰宋本缺按二詩起句皆三言故孝穆編入

歌詞馮氏所增殊悞

妝成更點星

妝宋刻作莊悞

頰上紅疑淺眉心黛不

青故留殘粉絮掛着簾箔釘

着宋刻作看悞

王叔英婦贈答一首

妝鉛點黛拂輕紅鳴環動佩出房櫳看梅復看柳淚滿

春衫中

沈約古詩題六首

宋刻原註八詠孝穆止收前二首此皆後人附錄故在卷末

按此書之例非詞關闕者不收故八詠惟錄二章非挂漏也以類贅附殊失孝稱之旨

慙衰草衰草無容色憔悴荒逕中寒荻不可識昔時兮

春日昔日兮春風含華兮佩實

含莢文類聚作銜

垂綠兮散紅

氛氲鵲右照耀望仙東送歸顧慕泣淇水

慕來刻嘉作暮悵

客淹留懷上宮巖陬兮海岸冰多兮霰積爛漫兮客根

攢幽兮寓隙布綿密于寒臯吐纖疎於危石既惆悵於

君子倍傷心於行役露高枝於初旦霜江天於始夕

江宋

刺作紅悵凋芳卉之九衢

衢字未詳

實靈茅之三脊風急峭道難

秋至客衣單既傷檐下菊復悲池上蘭飄落逐風盡方

知歲早寒流螢暗明燭雁聲斷繞繞萎絕長信宮蕪穢

丹墀曲霜奪莖上紫風銷葉上綠山巒兮青薇樂宋刻作變悞

水折兮平葦葦字於今韻不諧然陸德明爾雅釋文言葦字謝嶠讀于歸反謝嶠陳人與休文時

代相接知其時皆讀平聲非舛誤也秋鴻兮疎引鴻莧文類聚作鷗悞寒鳥兮聚飛

逕荒寒草合州長荒逕微園庭日蕪沒州長句宋刻作桐長舊藏園園

庭句宋刻作日漸蕪蕪落並霜露日沾衣願遂晨征鳥於義為短今從莧文類聚

薄暮共西歸

歲暮愍衰草

悲落桐落桐早霜露燕至葉未抽鴻來枝已素本出龍  
門山長枝仰刺天上峯百丈絕下趾萬尋懸幽根已盤  
結孤枝復危絕初不照光景終年負霜雪自顧無羽儀  
不願生曲池芬芳本自乏華實無可施匠者時留眄

時宋

刺作特悞

王孫少見之分取孤生枿

孤生宋刻作生孤悞

徙置北堂陸

宿莖抽晚幹新葉生故枝故枝雖遼遠新葉頗離離春

風一朝至榮華並如斯

華宋刻作戶悞

自惟良菲薄君恩徒照

灼顧已非嘉樹空用憑阿閣願作清廟琴為舞雙元鶴  
薜荔可為裳文杏堪作梁勿言草木賤徒照君末光末  
光不徒照為君含噉咷咷宋刻作眺悵陽柯綠水弦陰枝苦寒  
調厚德非可任敢不虛其心若逢陽春至吐綠照清潄

霜來悲落桐

聞夜鶴夜鶴叫南池對此孤明月臨風振羽儀伊吾人  
之菲薄無賦命之天爵抱跼促之長懷隨冬春而哀樂  
愍海上之驚鳬傷雲間之離鶴離鶴昔未離近發天北

陸忽值疾風起暫下昆明池復值冬水合水宿非所宜  
欲留不可住欲去飛已疲勢遂疾風舉求溫向衡楚復  
值南飛鴻參差共成侶海上多雲霧蒼茫失洲嶼自此  
別故羣獨向瀟湘渚故羣不離散相依滄海畔夜止羽  
相切晝飛影相亂刷羽共浮沉湛澹泛清潯既不經離  
別經宋刻  
作得候安知慕侶心九冬霜雪苦六翮飛不任且養  
凌雲翅俯仰弄清音所望浮丘子旦夕來見尋

夕行聞夜鶴

聽曉鴻曉鴻度將旦跨弱水之微瀾發成山之遠岸怵

春歸之未幾驚此歲之云半出海漲之蒼茫

宋刻作茫悞

入

雲途之渺漫無東西之可辨孰遐邇之能算微昔見於

洲渚赴秋期於江漢集勁風於弱軀負重雪於輕翰寒

谿可以飲荒臯可以竄谿水徒自清微容豈足玩秋蓬

飛兮未極

極字韻複義亦未確疑當作息

寒艸萎兮無色楚山高兮杳

難度越水深兮不可測美明月之馳光顧征禽之騁翼

願宋刻作願悞伊余馬之屢懷知吾行之未極夜綿綿而難曉



愁參差而盈臆望山川恚無似

似宋刻作以悵

惟星河猶可識

聞雁夜南飛客淚夜沾衣春鴻思暮返客子方未歸歲  
去歡娛盡年來容貌非攬衽形雖似撫臆事多違青蒲  
雖長復易解白雲誠遠詎難依

### 晨征聽曉鴻

去朝市朝市深歸暮辭北纓而南徂浮東川而西顧逢  
天地之降祥值日月之重光伊當仁之菲薄非余情之  
信芳充待詔於金馬奉高宴於柏梁觀鬪獸於虎圈望

官窈於披香遊西園兮登銅雀舉青瑣兮眺重陽講金

華兮議宣室畫武帷兮夕文昌佩甘泉兮履五柞簪朽

詣兮紱承光

簪宋刻作贊悞

託後車兮侍華幄遊勃海兮泛清

漳天道有盈闕寒暑遞炎涼一朝買玉椀

椀宋刻作琬悞

眷眷

惜餘香曲池無復處桂枝亦銷亡清廟徒肅肅西陵久

茫茫薄暮余多幸嘉運重來昌

複昌字一韻

承稽郡之南尉

典千里之光貴

典宋刻作曲悞

別北芒于濁河戀橫橋于清渭

望前軒之早桐對南階之初卉非余情之屢傷寄茲焉

今能慰眷昔日兮懷哉日將暮兮歸去來

解佩去朝市

守山東山東萬嶺鬱青葱兩溪共一瀉水潔望如空岸

側青莎被巖間丹桂叢上瞻既隱軫下睇亦溟濛遠林

響咆獸近樹聆鳴蟲路帶若谿右泉吐金華東

複東字韻

萬仞倒危石百丈注懸瀄

瀄宋刻作叢悞

掣曳瀉流電奔飛似

白虹洞井含清氣漏穴吐飛風玉竇膏滴瀝石乳室空

籠峭崿途彌險崖岵步纔通余捨平生之所愛倏暮年

而逢此願一去而不還恨鄉衣之未褫揖林壑之清曠  
事氓俗之紛詭幸帝德之方升值天網之未毀網宋刻作網悞  
既除舊而布新故化民而俗徙播趙俗以南徂扇齊風  
以東靡乳雉方可馴流蝗庶能弭清心矯世濁儉政草  
民侈秩滿歸白雲淹留事芝髓

被褐守山東

玉臺新詠考異卷九

欽定四庫全書

玉臺新詠考異卷十

姚安府知府紀容舒撰

古絕句四首

藁砧今何在山上復有山何當大刀頭破鏡飛上天  
日暮秋雲陰江水清且深何用通音信蓮花瑇瑁簪  
兔絲從長風根莖無斷絕無情尚不離有情安可別  
南山一樹桂上有雙鴛鴦千歲常交頸歡愛不相忘

賈充與妻李夫人連句三首

室中是阿誰歎息聲正悲頌歎息亦何為但恐大義虧

夫大義同膠漆匪石心不移頌人誰不慮終日月有合

離

夫

我心子所達子心我亦知頌若能不食言與君同

所宜

夫

孫綽情人碧玉歌二首

樂府詩集作古詞然  
藝文類聚亦作孫綽

碧玉小家女不敢攀貴德感郎千金意愧無傾城色

碧玉破瓜時相為情顛倒

相諸本多作即然義可感郎  
兩通則不必執彼改此

不羞難

難樂府詩集作郎

回身就郎抱

### 王獻之桃葉歌二首

桃葉復桃葉渡江不用楫但渡無所苦我自迎接汝

迎

藝文類聚作接迎古樂府此句作戎自來迎接然隋書五行志所引與宋刻同

桃葉復桃葉桃葉連桃根相憐兩樂事獨使我殷勤

藝文類聚作纏綿于古音亦諧

### 桃葉答王團扇歌三首

樂府桃葉歌不署名氏然古今樂錄及隋書皆明言

為子敬作是無可疑惟此歌樂府引古今樂錄云起王珣嫂婢謝芳姿所列古詞八首內第七首署

王金珠餘皆無名其第八首即此第三首末二句  
與謝芳安歌大同小異似行謝歌而為之均無枕  
葉之說然初學記藝文類聚皆初唐之書去孝穆  
時不遠已皆載為枕葉與此書同蓋婦人女子之  
作詞人喜傳為佳話輾轉附會往往失真傳聞異  
詞歷代皆有孝穆所據又當別有一本今則不可  
耳考

七寶畫團扇燦爛明月光與郎却暄暑相憶莫相忘  
青青林中竹可作白團扇動搖郎玉手因風託方便

團扇復團扇

下團扇字類聚作向誰文

持許自障面憔悴無復理

羞與郎相見



謝靈運東陽谿中贈答二首

可憐誰家婦綠流洒素足明月在雲間迢迢不可得  
可憐誰家郎綠流乘素舸但聞情若為月就雲中墮

宋孝武詩三首

督護上征去

上征去樂府詩  
集作初征時

儂亦惡聞許

惡宋刻作思  
慨今從樂府

詩集願作石尤風四面斷行旅

黃河流無極洛陽數千里坎珂戎旅間

戎旅宋刻作我  
途悞今從樂府

詩集何由見歡子

丁都護歌二首

後一首樂府詩集作王金珠

自君之去矣金翠闇無精思君如日月回環晝夜生

擬徐幹詩一首

茲文類聚作擬室思

許瑤之詩二首

宋刻目錄作許瑤之而題則作許瑤按詩品齊有許瑤之則題為候

脫今從目錄補之字

端木生河側因病遂成妍朝將雲髻別夜與蛾眉連

詠柗榴枕

吳都賦柗榴之木註曰柗榴木之盤結者材理堅韌可作器然則柗榴即

所謂木瘿榴字榴字假借通用耳故曰因病成妍也

昔如影與形今如胡與越不知行遠近忘却離年月却來

刻作去蓋悞脫半字  
今從馮氏校本註

閨婦答隣人

鮑令暉寄行人一首

桂吐兩三枝蘭開四五葉是時君不歸春風徒笑妾

近代西曲歌五首

生長石城下開門對城樓門樂府詩集作憲城中美年少美年少樂

府詩集作出入見依投諸少年

石城樂

有客數寄書無信心相憶莫作瓶落井一去無消息

估客樂

歌舞諸少年娉婷無種迹

此句未詳大抵樂府多雜方言不能盡通於後世其悞否

蓋不知菖蒲花可憐聞名不曾識

烏夜啼

朝發襄陽城暮至大堤宿大堤諸女兒花艷驚郎目

襄陽樂

暫出白門前楊柳可藏烏郎作沉水香

郎古樂府作歡

儂作博

山爐

楊叛兒

楊宋刻作陽悞

近代吳歌九首

朝日照北林

樂府詩集作明月照桂林語意與春景無涉

初花錦繡色誰能

春不思獨在機中織

春歌

此及下三首按樂府皆當冠以子夜字蓋宋刻悞脫

鬱蒸仲暑月長嘯北湖邊芙蓉始結葉抱艷未成憐

宋刻

始作如抱作拋並  
悞今從樂府詩集

夏歌

秋風入憲裡

風樂府詩集作夜悞

羅帳起飄颻仰頭看明月寄情

千里光

秋歌

淵冰厚三尺素雪覆千里我心如松柏君心復何似

君心

樂府詩集作君情

冬歌

黃葛結蒙龍生在洛溪邊花落隨流去何見逐流還

樂府

詩集此句下有還亦不復鮮一句疑孝穆以其竭情而刪之

### 前谿

新衫繡衲襠

新宋刻作留悞今從樂府詩集衲襠樂府詩集作兩端悞

迨置羅裙

裡置樂府詩集作著義可兩存裙宋刻作裳按末句正應此句不應上下異文今從樂府詩集行步

動微塵羅裙隨風起

### 上聲

迢遙天無柱流漂萍無根單身如螢火持底報郎恩

歡聞

紅羅複斗帳四角垂珠璫

珠宋刻作朱悞今從樂府詩集

玉枕龍鬚席

即眠何處牀

長樂佳

佳宋刻作悞

楊柳得春風一低復一昂誰能空相憶獨眠度三陽

讀曲

宋刻作獨曲按樂府詩集引古今樂錄曰讀曲歌者元嘉十七年棄后崩百官不敢

作聲歌或因酒醺止竊聲讀曲細吟而已以此為名然則作獨為悞

近代雜歌三首



稽亭人去九里新人還送一便迎兩無有暫時閒

潯陽樂

潯宋列  
候作尋

青荷葢綠水芙蓉發紅鮮下有並根藕上生同心蓮

樂發

府詩集作披同心  
樂府詩集作並目

青陽歌曲

樂府詩集  
作青陽度

春蠶不應老晝夜長懷絲

絲宋列作思吳歌西曲多借  
隱語然率不露本字今從樂

府詩集何惜微軀盡纏綿自有時

蠶絲歌

樂府詩集  
作蠶絲

近代雜詩一首

玉釧色未分衫輕似露腕舉袖欲障羞回持理髮亂

丹陽孟珠歌一首

陽春二三月草與水同色道逢遊冶郎恨不早相識

錢塘蘇小小歌一首

妾乘油壁車郎騎青驄馬何處結同心西陵松柏下

王元長詩四首

花蒂今何在示是林下生

示藝文類聚作不悞

何當垂兩髻團扇

雲間明

擬古

甄文類聚作  
代葉砧悵

自君之出矣金爐香不然思君如明燭中宵空自煎

代徐幹

秋夜長復長夜長樂未央舞袖拂明燭歌聲繞鳳梁

秋夜

冰容慙遠鑑水質謝明輝是照相思夕早望行人歸

詠火

宋刻原註離  
合賦物為詠

謝朓詩四首

夕殿下珠簾流螢飛復息長夜縫羅衣思君此何極

玉階怨

渠橋送佳人玉栢邀上客車馬一東西別後思今夕

金谷聚

綠草蔓如絲雜樹紅英發無論君不歸君歸芳已歇

王孫遊

佳期期未歸望望下鳴機徘徊東陌上月出行人稀

同王主簿有所思

虞炎有所思一首

後山詩話以黃鳥句為謝朓詩蓋由誤解詩品不足為據

紫藤拂花樹黃鳥度青枝

宋刻作間青枝藝文類聚作度青枝按鍾嶸詩品言學謝

朓劣得黃鳥度青枝則作度為是

思君一嘆息苦淚應言垂

沈約詩三首

分首桃林岸

首文苑英華作手

送別峴山頭

送藝文類聚文苑英華皆作望若

欲寄音息

音息文苑英華作書信藝文類聚作音信

漢水向東流

襄陽白銅鞮

殘朱猶暖暖餘粉尚霏霏

尚宋刻作上悞

昨宵何處宿今晨拂

露歸

早行逢故人車中為贈

影斜逐月來香遠隨風入言是定知非欲笑翻成泣

為鄰人有懷不至

施榮泰詠王昭君一首

垂羅下椒閣舉袖拂胡塵唧唧撫心歎蛾眉誤殺人

高爽詠酌酒人一首

長筵廣未同上客嬌難逼還枯了不顧回身正顏色

吳興妖神贈謝府君覽一首

馮氏詩紀作吳興妖神童詩極言玉堂妖神

之悞然不言何據按太平御覽叙部收此詩作吳興妖童贈謝府君詩云出志怪馮氏殆因別本訛志怪是妖明矣故則何怪之有

玉釵空中墮金鈿色行歌

行太平御覽作已

獨泣謝春風孤夜

傷明月

太平御覽作良夜辜明月

江洪詩七首

風生綠葉聚波動紫莖開含花復含實正待佳人來

白日和清風輕雲雜高樹忽然當此時采菱復相遇

采菱二首

潺湲復皎潔輕鮮自可悅

自藝文類聚作尚悵

橫使有情禽照影

自孤絕

塵容不忍飾

飾宋刻作飭今從藝文類聚

臨池思客歸誰能取淥水

能藝文類聚作知

無趣浣羅衣

淥水曲二首

嬌居憎四時況在秋閨內淒葉落晚暉虛庭吐寒菜



北牖風催樹

作催疑

南籬寒蛩吟庭中無限月思婦夜鳴

砧

秋風二首

宋刻原註已上六首和巴陵王四詠

上車畏不妍顧盼更斜轉太恨畫眉長猶言顏色淺

詠美人治粧

范靖婦詩三首

早信丹青巧重貨洛陽師

貨文苑英華作賂又註曰千毛延壽長安人作洛陽非

金買蟬鬢百萬鴈蛾眉

今朝猶漢地明旦入胡關高堂歌吹遠遊子夢中還

宋刻

原註一本云情寄南雲返思遂北風還按情寄二句殊牽滯然此本遊子二字亦不可解

王昭君嘆二首

輕髻學浮雲雙蛾擬初月水澄正落釵萍開理垂髮

映水曲

何遜詩五首

苑門闢千扇苑戶開萬扉樓殿聞珠履

開宋刻作間  
候今從本集

竹

樹隔羅衣

南苑

本集作苑  
中絕句

閨閣行人斷房櫳月影斜誰能北窻下獨對後園花

本園

集作  
庭

閨怨

燕子戲還檐飛花落枕前寸心君不見拭淚坐調絃

為人妾思

本集思  
作怨

可聞不可見能重複能輕鏡前飄落粉琴上響餘聲

詠春風

竹聲響南窻月光照東壁誰知獨夜覺枕前雙淚滴

秋閨

本集作閨怨  
絕句第二首

吳均雜絕句四首

目錄作新絕句然體仍舊格不  
應云新當由字形相近而悞

畫蟬已傷念夜露復沾衣昔別曾何道

曾宋刻作昔悞  
馮氏校本一作

曾今  
從之今夕螢火飛

錦腰連枝滴繡領合歡斜夢中難言見

難疑  
作雖終成亂眼

花

蜘蛛檐下掛絡緯井邊啼何曾得見子照鏡窻東西

泣聽離夕歌悲銜別時酒自從今日去當復相思否

王僧孺詩二首

雪罷枝即青水開水便綠

水文苑英華作春

復聞黃鳥聲

蘇宋刻作

思悵今從文苑英華

全作相思曲

今宋刻作令悵今從藝文類聚

春思

日晚應歸去上客久盤桓稍知玉釵重漸覺羅襦寒

為徐僕射

徐悱婦詩三首

按此三詩皆涉仇蕩出自文士不過溺情之語出自閨閣則為累德

之詞唐藝文志載令嫺有集三卷如以此等自編  
於集信為理所必無如其本集不叙而以委巷傳  
聞載諸簡牘無論編此書時距今嫺之時不遠劉  
氏徐氏多列華替未必聽其宣播即以孝穆而言  
彭城之佚女即東海之宗婦亦斷不登諸集內以  
貽家牒之羞以意推之此書排纂之例蓋以所卒  
之歲為先後第六卷中徐悱在姚翻前令嫺則在  
姚翻後此忽移令嫺於姚前不應自亂其例疑此  
三首皆徐悱詩而傳寫悱增一婦字猶六卷答唐  
媛七夕所寄針詩本令嫺作而傳寫悱脫一婦字  
耳魯魚帝虎考証為難年遠人湮雖未可以臆斷  
而有茲矛盾不妨疑以傳疑姑識所見待博雅者  
之更考

長廊欣目送廣殿悅逢迎何當曲房裡幽隱無人聲

光宅寺

夕泣已非疎

已宋刻作以於義未愜今從詩紀

夢啼真太數惟應夜枕

知過此無人覺

題甘蕉葉示人

兩葉雖為贈

兩葉二字未詳

交情永未因同心處何限支子最

關人

摘同心支子贈謝孃因附此詩

姚翻詩三首

此三首宋列題姚翻後村詩話亦引為姚翻詩馮氏詩紀併以為全翻詩

恨

臨妝欲含涕羞畏家人知  
還持粉中絮擁淚不聽垂

代陳慶之美人為詠

覺罷方知恨人心定不同誰  
能對角枕長夜一邊空

夢見故人

黃昏信使斷銜怨心悽悽  
回銙向下榻轉面暗中啼

有期不至

王環代西豐侯美人一首



于今辭宴語方念泣離違無因從朔雁一向黃河飛

梁武帝詩二十七首

秋月出中天遠近無偏異共照一光輝各懷離別思

邊戍詩

戍宋刻  
作戎悞

堂中綺羅人席上歌舞兒待我光泛艷為君照參差

詠燭

昔聞蘭蕙月獨是桃李年春心儻未寫為君照情筵

詠筆

題與詩不相  
應筆字疑悞

柯亭有奇竹含情獨抑揚妙聲發玉指龍音響鳳皇曰既

龍音又曰響鳳皇語殊夫難疑龍字有悞

詠笛

腕弱低復舉身輕由回縱可謂寫自歡此句未詳方與心期

共

詠舞

傾城非人美此句詳千載難重逢

重宋刺作里悞馮氏校本註一作重今從之

雖懷軒中意愧無髣髴容

連句詩

髣髴用衛子夫更衣事與宮妾連吟之作句間當有子注傳寫失之耳

階上香入懷

今香宋刻作歌類聚庭中花照眼春心一如此

一樂府詩集作鬱悵

情來不可限

可限類聚作自限悵

蘭葉始滿地梅花已落枝持此可憐意摘以寄心知

朱日光素冰黃花映白雪折梅待佳人共道揚春月

道字

未詳樂府詩集作迎較有文義

春歌三首

此及下夏歌秋歌皆子夜四時歌宋劉悵脫其總題然類聚已如此

益相沿之省文也

江南蓮花開紅花覆碧水色同心復同藕異心無異哉

類聚別載一首曰江南蓮花水紅光復碧色同綠有同藕異心無異詩未詳即此首之別本抑或另一首也

閨中花如繡簾上露如珠欲知有所思停織復時杼

玉盤著朱李金杯盛白酒雖欲持自親

親宋刻誤作新今從樂府詩集

復恐不甘口

含桃落花日黃鳥營飛時君住馬已疲妾去驚欲餓古已

樂府作欲欲古樂府作已

夏歌四首

繡帶合歡苳

苳馮氏校本作炬悞樂府詩集作結義錦可兩存苳文類聚作給亦結字悞刊也

衣連理文懷情入夜月

懷情宋刻作情懷今從樂府詩集

含笑出朝雲

七采紫金柱九華白玉梁但歌雲不去含吐有餘香

吹滿未可停

滿宋刻作蒲樂府詩集作漏並悞今從詩紀

絃斷當更續俱作

雙絲引

絲樂府詩集作思

共奏同心曲

當信抱梁期莫聽回風音鏡中兩入髻

此句未詳中樂府詩集作上亦

未詳分明無兩心

秋歌四首

恃愛如欲進含羞未肯前

未肯古樂府作出不

朱口發豔歌

朱口宋刻

作口朱悞今從古樂府

玉指弄嬌絃

朝日照綺錢光風動紉羅巧笑倩兩屏美目揚雙蛾

子夜歌二首

花色過桃杏名稱重金瓊名歌非下里含笑作上聲

上聲歌一首

艷艷金樓女心如玉池蓮持底報郎恩俱期遊梵天

梵樂

府詩集作楚悞

南有相思木合影復同心

合影宋刻作含情  
候今從樂府詩集遊女不可

求誰能空息陰

空息陰樂府詩  
集作識得音候

### 歡聞歌二首

手中白團扇淨如秋團月

團扇文類  
聚作團

清風任動生嬌香

隨意發

香隨樂府詩集作聲  
任發文類聚作香乘

### 團扇歌一首

杏梁日始照蕙席歡未極碧玉奉金杯綠酒助花色

### 碧玉歌一首

陌頭征人去，閨中女下機。含情不能言，送別沾羅衣。

草樹非一香，花葉百種色。寄語故情人，

故宋刻作古，誤。今從樂府詩集。

知我心相憶。

龍馬紫金鞍，翠眊白玉羈。照耀雙闕下，知是襄陽兒。

襄陽白銅鞮歌三首

皇太子雜題二十一首

宋刻原註簡文

被空眠，數覺寒。重夜風吹羅幃，非海水那得度。前知度

未詳



寒閨

本是巫山來無人睹容色惟有楚王臣曾言夢相識

行雨

依帷蒙重翠帶日聚輕紅定為歌聲起非關團扇風

梁塵

兔絲生雲夜

月不應稱兔絲吳氏註謂當作兔腹然兔腹生雲於文未愜疑本是兔影傳寫者見

艷詞多用兔絲字因而筆悞耳

蛾形出漢時

蛾形吳氏本作蛾影註引漢影蛾池事按洞冥記蛾

字從女不從虫乃婦蛾字非蛾眉字也

欲傳千里意不照十年悲

華月

宋刻原註已  
上雜詠四首

北斗闌干去夜夜心獨傷月輝橫射枕鎗光半隱床

夜夜曲

原題作擬沈隱侯夜夜曲  
古樂府遂作沈約詩悞

暫別兩成疑開簾生舊憶都如未有情更似新相識

從頓還城南

客行祇念路相將度江口

將樂府詩  
集作爭

誰知堤上人拭淚

空搖手

春江曲

新禽應節歸俱向吹樓飛入簾驚釧響來窻碍舞衣

新燕

彈箏北窻下夜響清音愁張高絃易斷心傷曲不道

彈箏

錦幔扶船列

列宋刻  
作烈悞

蘭橈拂浪浮去燭猶文水

文字未  
詳疑當

作交餘香尚滿舟

夜遣內人還後舟

頂分如兩髻簪長驗上頭捉栝如欲轉疑殘已復留

詠武陵王左右伍胥傳杯

可嘆不可思可思不可見餘絃斷瑟柱殘朱染歌扇

寂寂暮檐響黯黯垂簾色惟有瓠觚落如見蜘蛛織

入林看碯礪

碯礪疑當  
作倍蕾

春至定無餘何時一可見更得

似梅花

有所傷三首

遊戲長楊苑攜手雲臺間歡樂未窮已白日下西山

遊人

腰肢本獨絕眉眼特驚人判自無相比還來有洛神

絕句賜麗人

散誕垂紅帔斜柯插玉簪可憐無有比恐許值千金

遙望

別來顚顚久他人怪容色只有匣中鏡還持自相識

愁閨照鏡

可憐片雲生暫重復還輕欲使襄王夢應過白帝城

浮雲

綠葉朝朝黃紅顏日日異譬喻持相比那堪不愁思

寒閨

以詩意推之  
當是秋閨

婉婉新上頭  
湔裙出樂遊  
帶前結香艸  
鬟邊插石榴

和人渡水

蕭子顯二首

金羈遊俠子  
綺機離思妾  
春度人不歸  
望花盡成葉

春閨思

二月春心動  
遊望桃花初  
回身隱月扇  
却步斂風裾

詠苑中遊人

劉孝綽詩二首

菱莖時繞釧棹水或沾妝不辭紅袖濕惟憐綠葉香

遙見美人采荷

采菱非采菜日暮且盈舫峙嶠不敢進畏欲比殘桃

詠采菱小兒

庾肩吾詩四首

歌聲臨畫閣舞袖出芳林石城定若遠前溪應幾深

詠舞曲應令

故年齊總角今春半上頭那知夫婿好能降使君留

詠主人少姬應教

委翠似知節含芳如有情全由履跡少併欲上階生

詠長信宮中草

蘭堂上客至綺席清絃撫自作明君詞還教綠珠舞

石崇金谷妓

王臺卿同蕭治中十詠二首



空度高樓月非復三五年何須照床裏終是一人眠

蕩婦高樓月

斂容送君別一斂無開時只應待相見還將笑解眉

南浦別佳人

劉孝儀詩二首

金鈿已照耀白日未蹉跎欲待黃昏後含羞淺渡河

詠織女

蓮名堪百萬石性重千金不解無情物那得似人心

詠石蓮

劉孝威和定襄侯八絕初筭一首

合鬟仍昔髮畧髻即前絲

畧當作掠然二字古人亦通用

從今一梳罷

無復更縈時

江伯瑤和定襄侯八絕楚越衫一首

裁縫在篋笥薰髻帶餘香

薰髻二字未詳

開看不忍著一見落

千行

劉泓詠繁華一首

可憐宜出衆的最分明秀媚開雙眼風流著語聲

何曼才為徐陵傷妾詩一首

遲遲衫掩淚憫憫恨縈胸無復專房日猶望下山逢

蕭麟詠襖複一首

襖宋刻目錄作襖按襖服字雖出左傳然與複字不屬劉熙釋

名帕複橫帕其腹也段成式酉陽雜俎載鬼以麟  
帋複贈辛祕帶有一結蓋即帕腹之異文徐鉉說  
文新附字註曰幘帕也丁度集韻曰幘襖也韓愈  
元和聖德詩以紅帕首續漢書與服志載秦始以  
絳帕為武將首飾則帕帋帕本屬一字此  
作襖複與酉陽雜俎正合目錄作和幘也

的金絃淨離離寶褱分纖腰非學楚寬帶為思君

初學

記收於羣部題曰詠羣複詩作晶晶金紗淨離離  
寶縫羣腰非學楚舞寬帶為思君皆與此不同

### 紀少瑜詠殘鐙一首

殘鐙猶未滅將盡更揚輝惟餘一兩焰纔得解羅衣

### 王叔英婦暮寒一首

梅花自爛發百舌早迎春愈寒衣愈薄

二愈字宋刻併悞作逾

未

肯惜腰身

惜宋刻作悞悞

### 戴嵩詠欲眠詩一首

拂枕薰紅帟回鐙復解衣旁邊知夜久不喚定應歸

劉孝威二首

馮氏校本註曰此二首宋本所無與第八卷徐悱同例按宋刻實有此二

首但孝威業已見前顯為後人附入宋刻偶然失注耳

朝日大風霜寄事是交傷

此句未詳

葉落枝柯淨常自起


張

吳氏本註曰  
恭疑作箕

古體雜意

可憐將可念可念值千金  
惟言有一恨恨不逐人心

詠佳麗



玉臺新詠考異卷十

後叙

右玉臺新詠集十卷幼時至外家李氏於廢書中得之

舊京本也宋失一葉

宋字未詳  
疑當作本

間復多錯謬板亦時有

刊者欲求他本是正多不獲嘉定乙亥在會稽始從人

借得豫章刻本財五卷蓋至刻者中徙故弗畢也又聞

有得石氏所藏錄本者復求觀之以補亡校脫於是其

書復全可繕寫夫詩者情之發也征戍之勞苦室家之

怨思動于中而形于言先王不能禁也豈惟不能禁且

逆探其情而著之東山杖杜之詩是矣若其他變風化

雅

化字未詳

謂豈無膏沐誰適為容終朝采綠不盈一掬之

類以此集揆之語意未大異也顧其發乎情則同而止

乎禮義者蓋以矣

以字於義當作異

然其間僅合者亦一二焉

其措詞託興高古要非後世樂府所能及自唐花間集

花字宋刻誤作苗

已不足道而况近代狹邪之說

狹宋刻誤作狹號為

以筆墨動淫者乎

動疑作勸

又自漢魏以來作者皆在焉多

蕭統文選所不載覽者可以睹歷世文章盛衰之變云



是歲十月旦日書其後永嘉陳玉

